



Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

Postq[ue] magnus Athanasius fato suo perfunctus est, Luciano Ariano
sedes eius traditur, qui multis Aegypti ecclesias incommodis afflxit, & de
Petro qui Athanasio succedens, erepta fuga Romam ...

urn:nbn:de:hbz:466:1-12718

Postq; magnus Athanasius fato suo perfundus est,
Luijano Ariano sedes eius traditur, qui mul-
tis Aegypti ecclesiis incommodis affixit, &
de Petro qui Athanasio succedens, erepta fuga
Romam perrexit. C A P. XIX.

Eodem ferè tempore Athanasius episcopus ecclesiae Alexandrinæ, cum eo sacerdotio circiter annos qua draginta sex perfundus esset, exiit è vita. Itaq; morte eius quād primum per Arianos nuntiata, breui tempore post Euzoium, seftæ Ariane Antiochiae antistes, proficiscitur Alexandriam, & cum eo vnā etiam Magnus Quæstor, ab imperatore missus. Qui duo Petrum, cui Athanasius episcopatum commiserat, comprehensum, in carcere concludunt: traduntque Lucio ecclesiae Alexandrinæ gubernacula. Hinc factum est, ut Aegyptij erga exterorū offensiore animo essent, & calamitates aliae ex aliis ortae, populum ecclesiae catholicæ adherentem magnopere premerent. Nam simul ut Alexandriam venit Lucius, & ecclesiæ occupare aggreditur, plebe ei resistente, causa seditionis clericis & sacris virginibus falso attributa est. Ariani autem hostilem in modum per urbem graſſantibus, orthodoxorum alij fugiunt, alij in fuga comprehensi sunt, & vinculis constricti, in custodia asseruati: post inde educti, & grauibus affecti suppliciis. Nam pars vngulis acutis & flagris bubulis cæsi: pars ardentibus ignis facibus afflitti. Instar miraculi sanè videbatur, si cui vita post hæc tormenta suppeteret. Atque antè quād hæc suppliciorū genera subirent, mori certè aut exilio multari optabile putabatur. Sed de his modo haec tenus. Petrus vero episcopus clam è carcere elapsus, consensa naue, ad episcopum Romanū, utpote eiusdem secū fidei fautorē traiecit. Ariani autem, licet numero pauci, ecclesiis potiti sunt. Per idem tēpus sequebatur editū imperatoris, ut qui cōcilij Nicenī doctrinā amplexarētur, omnes, de quibus Lucius mandatum daret, tum Alexandria, tum reliqua Aegypto pellerentur. Nam præsidī prouinciae ita imperatum erat. Euzoium autem, rebus, quas moliebatur, ex sententia gestis, rediit Antociham.

S De mo-